

皇清經解續編

皇

清

經

解

集

編

皇清經解卷三百六十六

學海堂

九經古義

元和惠徵君棟著

周禮下

夏官司燿說文曰燿取火於日官名舉火曰燿周禮曰司燿掌
行火之政令从火霍聲或作烜从亘案司燿注讀如子若觀火
之觀古喚反秋官司烜氏音煨讀如衛侯煨之煨鄭氏兩讀許君合
而一之蓋本賈侍中之說高誘曰燿讀如權字漢郊祀志云通
權火

羅氏云中春羅春鳥注云春鳥蟄而始出者若今南郡黃雀之

屬郭義恭廣志云黃雀脂肥絕美江夏竟陵常給獻大官

御覽

司右注司馬灋曰弓矢圍及矛守戈戟助凡五兵長以衛短短

以救長案今司馬灋曰右兵弓矢禦及矛守戈戟助凡五兵五當長以衛短短以救長賈公彥曰弓矢圍者圍城時也愚謂圍當作圉古禦字作圉管子墨子書皆然鄭注作圍傳寫之誤今司馬灋爲禦字从俗作也

方相氏掌蒙熊皮注云冒熊皮者以驚毆疫癘之鬼如今魃頭也應劭風俗通曰俗說亡人魂氣游揚故作魃頭以存之言頭魃魃然盛大也或爲魃頭爲觸墮殊方語也

御說文云今逐疫覽

有顛頭

大僕建路鼓于大寢之門外以待達窮者與遽令注云鄭司農云窮謂窮窶失職則來擊此鼓若今時上變事擊鼓矣遽傳也若今時驛馬軍書當急聞者亦擊此鼓立謂遽令郵驛上下程

品棟案漢廐律有上變事及驚事告急

漢廐律魏改爲郵驛令

漢書梅福

傳云數因縣道上言變事求假軺傳詣行在所條對急政輒報罷師古曰變謂非常之事黥布傳賁赫上變事桀傳詣長安

職方氏樊毅脩華嶽碑云周禮識方氏歐陽永叔云識字字畫分明非譌闕疑當時周禮之學自如此棟案周禮多古字如櫛字作職職字作識識字作志漢時已不能盡攷況後世乎

秋官司圜注鄭司農云圜謂圜土也圜土謂獄城也今獄城圜春秋元命苞曰爲獄圜者象斗運宋均注云作獄圜者象斗運

也

初學記引

冥氏注鄭司農云冥讀爲冥氏春秋之冥王伯厚云漢泰山冥都傳春秋故云冥氏春秋案夏本紀禹姒姓後有冥氏

雍氏注云書雍或作夷鄭司農云今俗閒謂麥下爲夷下言芟

夷其麥以其下種禾豆也立謂雍讀如髥小兒頭之髥說文云髥髥髮

大人曰髥小兒曰髥案甘泉賦云列新雉於林薄服虔曰新雉香

草也雉夷聲相近師古曰新雉卽辛夷春秋傳曰五雉爲五工

正夷民者也服虔曰雉者夷也夷平也孔穎達云雉聲近夷雉

訓夷夷爲平雍讀如髥者說文云古文雉从弟篆文弟夷字相

似荀氏易渙六四云匪弟所思今本作夷

蝮氏注鄭司農云蝮讀爲蜮蜮蝦蟇也月令曰蜺蝮鳴立謂蝮

今御所食蛙也字从虫國聲蜮乃短狐與案說文蜮正字也蝮

或字也許氏以爲短狐

壺涿氏注云故書涿爲獨鄭司農云獨讀爲濁其源之濁音與

涿相近書亦或爲濁

大司寇凡庶民之獄訟以邦成幣之注云邦成八成也鄭司農云邦成謂若今時決事比也士師職云掌士之八成先鄭云行事有八篇若今之決事比則八成謂邦內邦賊以下八事賈疏以爲小宰之八成非也東觀漢記鮑昱傳云時司徒例訟久者至十數年比例輕重非其事類錯雜難知昱奏定決事都目八卷以齊同法令息遏民訟則知漢時決事雖多至三百餘篇其都目以八篇爲卒故先鄭引以爲證

小司寇云凡命夫命婦不躬坐獄訟注云不身坐者必使其屬若子弟也杜預僖廿八年傳注云傳曰王叔之宰與伯輿之大夫坐獄於王庭各不身親蓋今長吏有罪先驗吏卒之義

以八辟麗邦灋注云杜子春讀麗爲羅玄謂麗附也易曰日月麗乎天案麗者離也離猶羅也羅當作羅洪範云不罹于咎史記引作離尙書大傳引作麗古字並通

議親之辟注鄭司農曰若今時宗室有罪先請是也漢書平帝紀元始元年令公列侯嗣子有罪耐以上先請續漢書百官志云宗室若有犯法當髡以上先詣宗正宗正以聞乃報決

議賢之辟注鄭司農云若今時廉吏有罪先請是也宣帝黃龍元年詔曰舉廉吏誠欲得其真也吏六百石位大夫有罪先請議能之辟說文曰罷遣有辜也从网能言有賢能而入网而貰遣之周禮曰議能之辟

議貴之辟鄭司農云若今時吏墨綬有罪先請是也後漢光武

紀云建武二年詔曰吏不滿六百石下至墨綬長相有罪先請
蔡邕橋公碑云遷齊相臨淄令賂財賊多罪正受鞠就刑竟以
不先請免官

大賓客前王而辟鄭司農云若今時執金吾下至令尉奉引矣
續漢書輿服志云棨輿大駕公卿奉引大僕御大將軍參棨棨
輿灋駕八卿不在鹵簿中河南尹執金吾雒陽令奉引奉車郎
御侍中參棨

士師掌士之八成一曰邦汭鄭司農云汭讀如酌酒尊中之酌
國汭者斟汭盜取國家密事若今時刺探尙書事詩正義云汭
與酌古今字周頌酌左傳作汭公羊僖八年經云鄭伯乞盟傳
云蓋酌之也注云酌挹也穀梁作汭是汭爲挹取之義沈約曰

寫書謂之刺漢制不得刺尙書事是也後漢書楊倫傳尙書奏
倫探知密事應劭風俗通云司徒韓演伯南爲丹楊太守坐從
兄季朝爲南陽太守刺探尙書演法車徵益漢律有此條故鄭
據以爲說

訝士云凡四方之有治於士者造焉注云如今郡國亦時遣主
者吏詣廷尉議者棟案此請讞之法當在漢興律篇中胡廣漢
官篇解詁曰廷尉當疑獄

北堂書引

漢書景帝紀後元年詔曰獄疑

者讞有司有司所不能決移廷尉有令讞而後不當讞者不爲
失杜周傳云周爲廷尉二千石繫者新故相因不減百餘人郡
吏大府舉之廷尉一歲至千餘章大者連逮證案數百小者數
十人遠者數千里近者數百里會獄注云舉皆也言郡吏大府

獄事皆歸廷尉也陳湯傳廷尉增壽議以爲臣下承用失其中
故移獄廷尉如淳曰移獄廷尉如今讞罪輕重于定國傳定國
爲廷尉冬月治請讞飲酒益精明是漢時疑獄皆讞於廷尉後
漢襄楷上疏曰頃數十歲以來州郡玩習又欲避請讞之煩輒
託疾病多死牢獄益自安順而後請讞之法稍弛矣

朝士凡士之治有期日期內之治聽期外不聽注鄭司農云若
今時徒論決滿三月不得乞鞫鄧展曰漢律有故乞鞫司馬貞
案晉令云獄結竟呼囚鞫語罪狀囚若稱枉欲乞鞫者許之也

新律序云二歲刑以上除以家人乞鞫之制
省所煩獄也二歲刑謂耐以上此魏世所改

凡民同貨財者令以國灋行之犯令者刑罰之注云若今時加
貴取息坐臧漢書王子侯表云旁光侯殷坐取息過律免陵鄉

侯訢坐貸穀息過律免息有程限過律則坐臧也

司刑注鄭司農云漢孝文帝十三年除肉刑疏云所赦者唯赦
墨劓與剕三者其宮刑至隋乃赦也尙書正義曰漢除肉刑除
墨劓剕耳宮刑猶在大隋開皇之初始除男子宫刑婦人猶閉
於宮崔浩漢律序曰文帝除肉刑而宮不易張斐律注云以淫
亂人族序故不易也棟案漢書鼂錯對策曰除去陰刑張晏曰
宮刑也則漢文亦除宮刑矣或後仍復之賈孔之說蓋本崔張
司刺三赦注云若今時律今年未滿八歲八十以上非手殺人
他皆不坐光武紀建武三年詔曰男子八十以上十歲以下及
婦人從坐者自非不道詔所名捕皆不得繫

鄭氏孝經注云手
殺人者大辟卽漢

律所云
不道也

司厲其奴男子入于罪隸女子入于春槩注云鄭司農云今之
爲奴婢古之罪人也立謂奴從坐而沒入縣官者男女同名高
誘曰漢律坐父兄沒入爲奴魏志毛玠傳漢律罪人妻子沒爲
奴婢黥面說文曰男入罪曰奴女入罪曰婢初學記引風俗通曰古
制本無奴婢卽犯事者或原之臧者被臧罪沒入爲官奴婢獲
者逃亡獲得爲奴婢也初學記引

掌戮殺王之親者辜之注云辜之言枯也謂磔之荀子正論云
斬斷枯磔注云韓子曰采金之禁得而輒辜磔內儲說辜卽枯也

又莊子有辜人巫咸文云暴虐不姑姑與枯通易大過之九二

云枯楊生荑鄭讀枯爲姑謂無姑山榆是辜枯姑三字古皆通

也

壺涿氏注杜子春云棒讀爲
枯枯榆木名與鄭注易同

條狼氏掌執鞭以趨辟注云若今卒辟車之爲也續漢書志云
大使車立棗駕駟從伍百璫弩十二人辟車四人

籀氏掌殺草秋繩而芟之注云舍實曰繩釋文曰繩音孕棟謂
繩當爲臙字之誤也管子五行篇臙婦不銷弃注云臙古孕字

大玄馴首曰蠅其膏人一月而膏蠅與臙同玉篇云臙或孕字

汗簡云古文尙書以臙爲孕

孕讀如繩易漸九三婦孕不育荀爽本孕作棗棗繩聲近故漸九五

云鴻漸于陵婦三歲不孕終莫之勝

伊耆氏共其棗咸注云咸讀爲畱古咸與畱通毛詩巧言曰僭

始旣涵韓詩作旣滅滅猶涵也司馬相如封禪文云上咸五下

登三徐廣曰咸一作畱漢書天文志閒可械劒蘇林曰械音畱

大行人云諸侯之禮立當前疾无居正六經正誤云案車上無

名疾者說文軌車軾前也从車凡聲周禮曰立當前軌音範疑此近是棟謹案禮說云諸侯來朝行享於廟八大門下車所立

之位上公立當車軌侯伯立當前侯子男立當車衡案侯俗作

疾

唐石經及宋本皆同

論語邢昺疏

鄉黨

引周禮作前侯云侯伯立當前侯

胡下又小雅蓼蕭章孔疏引大行人亦作前侯蓋說文疾作疾

古文侯作侯相似易亂故前侯譌爲前疾賈疏不詳莫能辨正

俗本流傳誤人久矣又案說文引周禮作前軌云軌車軾前也

詩小戎陰韞傳云陰揜軌也孔疏謂以板木橫側車前陰映此

軌故謂之陰考工記軌前十尺謂軾前曲中下垂柱地如人之

頸故謂之侯侯猶胡也故鄭注訓爲胡以其在軌前故曰前侯

然則陰也侯也胡也皆前軌之名揜軌曰陰曲中曰侯下垂曰

胡總名爲軌當依說文定作軌則前衡後軹而軌在其閒讀者一見而心目了然矣

凡諸侯之王事注云孟子曰諸侯有王毛氏正誤曰諸本皆云孟子曰諸侯有王案孟子無此句小行人注引春秋傳曰宋公不王又曰諸侯有王王有巡守此注是也棟案藝文志孟子十篇趙臺卿題辭云著書七篇又有外書四篇性善辨文說孝經爲正其文不能弘深不與內篇相似外篇今亡秦漢諸人引孟子者今孟子皆無之

見王伯厚攷證

鄭氏所引安知不在外篇乎毛

說未是

劉昌詩云新喻謝氏多藏古書有性善辯一帙則知與文說孝經爲正是謂四篇然則孟子逸書宋時猶有存

者唐時尙未亡也

小行人云令諸侯春人貢秋獻功注云秋獻功若今計文書斷

於九月其舊法盧植曰計斷九月因泰以十月爲正故

劉昭注補

司儀問君客再拜對君問大夫客對君勞客客再拜稽首注云問君曰君不恙乎對曰使臣之來寡君命臣于庭問大夫曰二三子不恙乎對曰寡君命使臣于庭二三子皆在勞客曰道路悠遠客甚勞勞介則曰二三子甚勞王伯厚曰此亦見說苑鄭氏所述蓋古禮也賈疏云未知所出何文或云是孔子聘問之辭棟案襄廿七年春秋傳曰仲尼使舉是禮也以爲多文辭服虔云以其多文辭故特舉而用之後世謂之孔氏聘辭此書漢時猶存故鄭引之或說非無據也

行夫居於其國則掌行人之勞辱事焉使則介之注云使謂大小行人也故書曰夷使鄭司農云夷使使於四夷立謂夷發聲